

## **Predstavnici Ureda za reviziju na regionalnoj radionici „Strategije i tehnički pristupi jačanju saradnje između parlamenata i vrhovnih revizijskih institucija“**

Podgorica 12-14. novembar - u organizaciji Svjetske banke i Skupštine Crne Gore, održana je regionalna radionica „Strategije i tehnički pristupi jačanju saradnje između parlamenata i vrhovnih revizijskih institucija“. Ispred Ureda za reviziju institucija u FBiH u radu su učestvovali Dževad Nekić, generalni revizor, i Mia Buljubašić, viši revizor za međunarodnu saradnju i komunikacije.

Ova je druga radionica regionalnog seminara za vrhovne revizijske institucije i parlamentarne komisije za reviziju iz Bosne i Hercegovine, Crne Gore, Republike Srbije, Albanije, Kosova i Sjeverne Makedonije. Učesnice i učesnici imali su priliku da razmijene iskustva i razmotre na koji način da ojačaju saradnju između ovih institucija.

Ključna pitanja koja su razmatrana su: bolje razumijevanje revizorskih izvještaja, korištenje izvještaja o reviziji za provjeru učinkovitosti javnog sektora, praćenje primjene preporuka i rada vrhovnih revizijskih institucija na polju planiranja i izrade budžeta.



Učesnici su zajedno radili na uspostavljanju regionalnih normi za izradu memoranduma o razumijevanju između vrhovnih revizijskih institucija i parlamentarnih komisija, koji bio služio kao alat za ostvarivanje djelotvornije saradnje, efikasnije budžetske kontrole i promovisanja odgovornosti, transparentnosti i dobrog rukovođenja u javnom sektoru.

S obzirom na to da se očekuje formiranje Parlamentarne komisije odgovorne za reviziju, radionica je bila prilika da se Ured za reviziju upozna s dobrim praksama u regionu i pripremi smjernice za buduću saradnju.

